

# পশ্চিমবঙ্গ কলেজ ও বিশ্ববিদ্যালয় শিক্ষক সমিতি

৮৯, মহাআ গাঁথী রোড, কলিকাতা- ৭০০ ০০৭

ফোন নম্বর : ২২৪১-২০৬০, ২২১৯-৮৯৩০, ওয়েবসাইট : [www.wbcuta.org](http://www.wbcuta.org)

সার্কুলার- ০৮/২০২২

তারিখ : ১৪-১২-২০২২

কলকাতা প্রাইভেট ইউনিট, / সম্পাদক জেলা কমিটি  
কলেজ/বিশ্ববিদ্যালয়

প্রিয় সার্থী,

পশ্চিমবঙ্গ কলেজ ও বিশ্ববিদ্যালয় শিক্ষক সমিতি পশ্চিমবঙ্গের শিক্ষাক্ষেত্রে উদ্ভূত নজিরবিহীন পরিস্থিতিতে অত্যন্ত উদ্বিগ্ন। যোগ্য চাকুরী প্রার্থীদের বৃষ্টি করে রাজ্যের শিক্ষা প্রতিষ্ঠানগুলিতে যেতাবে অযোগ্যদের নিয়োগ করা হয়েছে তা রাজ্যের শিক্ষা ও শিক্ষা সংশ্লিষ্ট সকলকে বিপন্ন করেছে। এই দুর্নীতিমূলক নিয়োগ প্রক্রিয়া সংঘটিত হয়েছে রাজ্য সরকারের অধীনস্থ সংস্থাগুলির মাধ্যমেই। তাই এই নিয়োগদুর্নীতি রাজ্য সরকারের অঙ্গতে কিভাবে সন্তুষ্ট হ'লো তা নিয়ে প্রশ্ন উঠেছে জনমানসে। আমাদের আশঙ্কা এই নিয়োগদুর্নীতি পঙ্ক করবে রাজ্যের আগামী কয়েক প্রজন্মের শিক্ষিত যুব সম্পদায়কে। আন্দোলনরত যোগ্য চাকুরী প্রার্থীদের প্রতিবাদ কর্মসূচীকে প্রতিহত করতে রাজ্য প্রশাসন রাতের অন্ধকারে তাঁদের উপর যে বর্বরোচিত আক্রমণ করে, অধ্যাপক সমিতি সেই আক্রমণের প্রতিবাদে গত ২৯ সেপ্টেম্বর, ২০২২ কলেজ ক্ষেত্রে এক প্রতিবাদ কর্মসূচীর আয়োজন করে। অত্যন্ত দ্রুততার সাথে আয়োজিত এই প্রতিবাদ কর্মসূচীতে সক্রিয় অংশগ্রহণের জন্য আপনাদের অভিনন্দন জানাই।

ইতিমধ্যেই সারা দেশে নতুন জাতীয় শিক্ষানীতি ২০২০ কার্যকর হতে শুরু করেছে। সারা দেশের পাশাপাশি আমাদের রাজ্যও উপযুক্ত পরিকাঠামো ছাড়াই এই নয়া শিক্ষানীতির প্রয়োগে অধ্যাপক সমিতি অত্যন্ত উদ্বিগ্ন। আমাদের আশঙ্কা শিক্ষার এই নতুন অভিযুক্ত শিক্ষাকে পুরোপুরি বেসরকারীকরণের পথে ঠেলে দিতে বন্ধ পরিকর। এমতাবস্থায় একমাত্র ঐক্যবন্ধ শিক্ষক আন্দোলনই পারে এই একমুখী সিদ্ধান্তকে প্রতিহত করতে। এই প্রসঙ্গে সদস্যবন্ধুদের জানাই, আগামী ১৭-১৯ মার্চ, ২০২৩ কুরক্ষে বিশ্ববিদ্যালয়ে এবারের এ আই ফুকটোর সম্মেলন অনুষ্ঠিত হবে। যে সকল সদস্যবন্ধুরা ওই সম্মেলনে যোগ দিতে চান তাঁদেরকে দ্রুত টিকিটের বন্দোবস্ত করতে অনুরোধ জানাই।

আমরা আনন্দের সাথে জানাচ্ছি কোভিড অতিমারিল পর অধ্যাপক সমিতির ৮৪তম সম্মেলন এবং ৯৪তম বার্ষিক সাধারণ সভা আগামী ১১-১২ ফেব্রুয়ারি, ২০২৩ গোলপার্ক রামকৃষ্ণ মিশনের বিবেকানন্দ অডিটোরিয়ামে অনুষ্ঠিত হবে। সম্মেলন উদ্বোধন করবেন অধ্যাপক প্রভাত পট্টনায়েক। এবারের সম্মেলনের আয়োজক জেলা হল - দক্ষিণ কলকাতা জেলা কমিটি, দক্ষিণ ২৪ পরগণা জেলা কমিটি, উত্তর কলকাতা জেলা কমিটি এবং উত্তর ২৪ পরগণা জেলা কমিটি। এবারের সম্মেলনের প্রতিনিধি চাঁদা ধার্য হয়েছে ৬০০ টাকা (ছশো টাকা)। আশাকরি সদস্যবন্ধুরা এই পরিস্থিতিতে আসন্ন সম্মেলনকে সফল করতে যথাযথ উদ্যোগ গ্রহণ করবেন। আগামী ১১ ফেব্রুয়ারি, ২০২৩ প্রথমার্ধে একটি জাতীয় পর্যায়ের আলোচনা চক্রের আয়োজন করা হয়েছে। এবারের আলোচ্য বিষয় - ‘স্বাধীনতার ৭৫ বছর : দেশের শিক্ষা চিত্র’।

শিক্ষা আইন, **CWTT** এবং **PTT, HRA** সংক্রান্ত মামলাগুলি বিচারাধীন। আমাদের আশা সমিতির আইনী লড়াইয়ে সত্যের জয় হবেই। শিক্ষক ও শিক্ষিকাগণ যাতে মর্যাদার সঙ্গে মাথা উঁচু রেখে পেশায় যুক্ত থাকতে পারেন তা নিশ্চিত করতে সমিতি বন্ধপরিকর। এই আইনী লড়াইয়ের জন্য প্রচুর অর্থের প্রয়োজন। এখনও যারা সমিতির সংগ্রাম তহবিলে নৃনতম তিনশো টাকা অনুদান দেননি, আশাকরি অতি দ্রুততার সঙ্গে তা তাঁরা সমিতির অফিসে জমা করবেন।

সকল সদস্যবন্ধুদের জানাই বড়দিন ও নতুন বছরের আন্তরিক শুভেচ্ছা।

ধন্যবাদাঙ্গে-

কেশব ভট্টাচার্য

(কেশব ভট্টাচার্য)

সাধারণ সম্পাদক

মোবাইল নং ৯৮৩০০২ ১৭৯৪